



SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka („Službeni glasnik BiH“, broj: 95/12 i 41/16), člana 25. Pravilnika o godišnjim finansijskim izvještajima političkih stranaka („Službeni glasnik BiH“, broj: 96/13 i 89/16) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka („Službeni glasnik BiH“, broj: 103/08), izdajem

IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2017. GODINU SOCIJALDEMOKRATSKE PARTIJE BOSNE I HERCEGOVINE

SADRŽAJ

MIŠLJENJE REVIZORA.....	3
1. UVOD.....	4
2. PREDSTAVLJANJE POLITIČKE STRANKE.....	4
3. OPIS PREGLEDA I KONTROLE FINANSIJSKOG IZVJEŠTAJA	5
Predmet pregleda i kontrole.....	5
Cilj pregleda i kontrole	5
Obim pregleda i kontrole	5
4. PRETHODNE KONTROLE I REVIZIJE.....	5
5. NALAZI I PREPORUKE REVIZIJE.....	5
5.1 NALAZI.....	5
5.2. PREPORUKE.....	11

MIŠLJENJE REVIZORA

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja Socijaldemokratske partije Bosne i Hercegovine za 2017. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

Pregledom godišnjeg finansijskog izvještaja za 2017. godinu, utvrđeno je da je politička stranka Socijaldemokratska partija Bosne i Hercegovine prekršila odredbe člana 3. stav (3), člana 4. stav (1) i stav (2), člana 6. stav (2), člana 8. stav (1) i stav (5), člana 11. stav (1) i člana 12. stav (1) i stav (4) Zakona o finansiranju političkih stranaka.

Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.

1. UVOD

Služba za reviziju finansiranja političkih stranaka (u daljem tekstu: Služba za reviziju) je izvršila pregled godišnjeg finansijskog izvještaja političke stranke Socijaldemokratske partije Bosne i Hercegovine za 2017. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2017. godinu, politička stranka Socijaldemokratska partija Bosne i Hercegovine se finansirala iz sljedećih izvora¹:

R/B	Izvori finansiranja	Iznos (KM)	Struktura (%)
1.	Članarina	257.058,79	10,35
2.	Prilozi fizičkih lica (3-a)	61.231,95	2,46
3.	Prilozi pravnih lica (3-b)	3.750,00	0,15
4.	Prihodi od imovine (3-c)	541.393,64	21,79
5.	Prihodi od dobiti preduzeća u vlasništvu političke stranke (3-d)	0,00	0,00
6.	Prihodi od poklona (3-e)	5.851,44	0,24
7.	Prihodi iz budžeta (3-f)	1.603.688,17	64,54
8.	Prihodi od propagande (3-g)	0,00	0,00
I	Ukupni prihodi (1-8)	2.472.973,99	99,53
II	Ostali prihodi i drugo	11.637,18	0,47
	Izvori finansiranja (I+II)	2.484.611,17	100,00

U godišnjem finansijskom izvještaju stranka je iskazala rashode u ukupnom iznosu od 2.641.457,44 KM.

2. PREDSTAVLJANJE POLITIČKE STRANKE

Naziv političke stranke je Socijaldemokratska partija Bosne i Hercegovine. Skraćeni naziv stranke je SDP BiH.

Politička stranka je registrovana kod Višeg suda u Sarajevu 21.03.1990. godine, pod brojem upisa: R-I-1/90. Dana 16.03.1999. godine, Socijaldemokratska partija Bosne i Hercegovine je upisana u registar Kantonalnog suda u Sarajevu, pod brojem: R-I-1/99. Sjedište političke stranke je u Sarajevu, ulica Alipašina 41.

Lica ovlaštena za zastupanje političke stranke su: Nermin Nikšić, predsjednik i Irfan Čengić, generalni sekretar stranke.

Lice ovlašteno za podnošenje finansijskih izvještaja za 2017. godinu je Irfan Čengić.

Prema podacima iz godišnjeg finansijskog izvještaja za 2017. godinu, organizacionu strukturu Socijaldemokratske partije Bosne i Hercegovine čine:

- Glavni odbor SDP,
- 9 kantonalnih odbora,
- 7 regionalnih odbora,
- 9 gradskih odbora,
- 90 općinskih odbora i
- Odbor SDP u Brčko distriktu BiH.

¹ Podaci su preuzeti iz korigovanog finansijskog izvještaja, koji je politička stranka dostavila Centralnoj izbornoj komisiji BiH dana 11.06.2019. godine

3. OPIS PREGLEDA I KONTROLE FINANSIJSKOG IZVJEŠTAJA

Predmet pregleda i kontrole je godišnji finansijski izvještaj Socijaldemokratske partije Bosne i Hercegovine za 2017. godinu.

Cilj pregleda i kontrole je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenog zakona, ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim pregleda i kontrole finansijskog izvještaja Socijaldemokratske partije Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava.

4. PRETHODNE KONTROLE I REVIZIJE

Služba za reviziju obavila je reviziju i pregled finansijskih izvještaja Socijaldemokratske partije Bosne i Hercegovine u periodu od 2004. do 2016. godine, nakon čega su izdati izvještaji o reviziji, odnosno izvještaji o pregledu sa nalazima revizije, mišljenjem revizora i preporukama stranci.

Nakon izvršene revizije godišnjeg finansijskog izvještaja za 2016. godinu, Služba za reviziju je izdala Izvještaj o reviziji sa mišljenjem revizora, nalazima revizije i preporukama stranci: da finansijska sredstva obezbijeđena za finansiranje stranke koristi u skladu sa utvrđenim programom utroška sredstava, da u poslovnim knjigama i finansijskom izvještaju evidentira sve donacije, uključujući nenovčane, da se ne finansira iz izvora, koji su zabranjeni političkim strankama, da poslovne knjige vodi u skladu sa računovodstvenim propisima, odnosno da uspostavi tačne evidencije o prihodima, rahodima i obavezama stranke, da troškove evidentira u poslovnim knjigama i iskazuje u finansijskom izvještaju u momentu nastanka obaveze, a ne u momentu plaćanja, odnosno da poslovne knjige vodi u skladu sa Zakonom o računovodstvu i reviziji Federacije BiH i da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.

Nerealizovane preporuke:

Na osnovu uočenih nedostataka u godišnjem finansijskom izvještaju za 2017. godinu, utvrđeno je da Socijaldemokratska partija Bosne i Hercegovine nije ispoštovala preporuke revizije.

5. NALAZI I PREPORUKE REVIZIJE

5.1 NALAZI

- a) **Socijaldemokratska partija Bosne i Hercegovine nije postupila u skladu sa odredbama člana 3. stav (3)² i člana 4. stav (2)³ Zakona o finansiranju političkih stranaka.**

Stranka je u godišnjem finansijskom izvještaju iskazala ukupne prihode u iznosu od 2.484.611,17 KM. Imajući u vidu činjenicu da je stranka u strukturi ukupnih godišnjih prihoda iskazala prihode od imovine u iznosu od 541.393,64 KM čiji dio od 1,79 %, odnosno 44.471,41 KM prelazi 20% iznosa ukupnog godišnjeg prihoda, stranka je prekršila odredbe člana 3. stav (3) Zakona o finansiranju političkih stranaka.

² Godišnji prihod stranke iz stava (1) tačke d) i f) ovog člana ne smije prelaziti 20% iznosa ukupnog godišnjeg prihoda stranke.

³ U roku od 30 dana nakon podnošenja finansijskog izvještaja u skladu s članom 11. zakona, prihod iz člana 3. stav (1) tačka (d) i (f) Zakona koji je veći od navedenih 20% stranka daje u dobrotvorne svrhe jednoj ili više organizacija koje su registrovane u Bosni i Hercegovini za bavljenje dobrotvornim radom.

Dana 28.05.2019. godine Centralna izborna komisija BiH je Socijaldemokratskoj partiji Bosne i Hercegovine uputila akt, broj: 03-07-6-333-21/18 kojim od stranke traži da dostavi dokaze o uplati sredstava u dobrotvorne svrhe (izvode sa transakcijskih računa na kome je evidentirana isplata sredstava, podatke o organizaciji koja se bavi dobrotvornim radom, a kojoj su sredstva uplaćena i podatke o projektima koje je u prethodnom periodu realizovala ta organizacija, ukoliko to nije Crveni krst BiH ili Narodna kuhinja).

Stranka je dostavila Odluku, broj: 05-16-122/18 od 05.03.2018. godine o doniranju finansijskih sredstava humanitarnim organizacijama „Otvorena mreža“ i „Pomozi.ba“, „Crvenom krstu“ i „Narodnoj kuhinji“ Stari Grad u iznosu od 43.200,00 KM.

Međutim, dostavila je dokaze o dobrovoljnoj uplati sredstava organizacijama koje se bave dobrotvornim radom u iznosu od 30.000,00 KM, kako slijedi:

- Socijaldemokratska partija Bosne i Hercegovine, dostavila je izvod o uplati sredstava u iznosu od 12.000,00 KM na transakcijski račun udruženja „Pomozi.ba“, od 18.07.2018. godine za dobrotvorne svrhe kao donaciju za liječenje Dorijana Bjeloševića.
- Stranka je dostavila i izvod o uplati od 16.000,00 KM na transakcijski račun udruženja „Otvorena mreža“, od 23.07.2018. godine za liječenje Mahira Rakovca i Jelene Kutić.
- Socijaldemokratska partija Bosne i Hercegovine dostavila je uplatnicu o uplati sredstava u iznosu od 2.000,00 KM na transakcijski račun udruženja „Pomozi.ba“ od 12.06.2019. godine kao donaciju za liječenje Kadrić Dina.

Na osnovu svega navedenog, utvrđeno je da je Socijaldemokratska partija Bosne i Hercegovine od nedozvoljenog prekoračenja od 44.471,41 KM, uplatila je 30.000,00 KM u dobrotvorne svrhe, ali van zakonskog roka⁴, a 14.471,41 KM stranka nije uplatila u dobrotvorne svrhe, čime je prekršila odredbe člana 4. stav (2) Zakona o finansiranju političkih stranaka.

b) Socijaldemokratska partija Bosne i Hercegovine prekršila je odredbe člana 4. stav (1) Zakona o finansiranju političkih stranaka.

Programom utroška sredstava za 2017. godinu Socijaldemokratska partija Bosne i Hercegovine je na nivou stranke planirala troškove u iznosu od 2.770.230,00 KM, ali bez navođenja cjelokupne strukture planiranih troškova.

Analizom dostavljenog Programa utroška sredstava utvrđeno je da isti nije sačinjen na način kojim bi se obezbijedila potpuna transparentnost planiranog trošenja sredstava, kao i njegova uporedba sa ostvarenim troškovima.

Programom utroška sredstava stranka je planirala troškove poreza i doprinosa koji ne zavise od rezultata u iznosu od 65.000,00 KM, dok je pregledom poslovnih knjiga i finansijske dokumentacije utvrđeno da su iznosili 81.032,72 KM, što je za 16.032,72 KM više od planiranih.

Socijaldemokratska partija Bosne i Hercegovine je svojim programom utroška sredstava planirala humanitarne rashode u iznosu od 10.000,00 KM, dok je u godišnjem finansijskom izvještaju iskazala humanitarne rashode u iznosu od 80.609,07 KM, što je za 70.609,07 KM više od planiranih.

Stranka svojim programom sredstava nije planirala troškove propagande, a u godišnjem finansijskom izvještaju je iskazala ove troškove u iznosu od 3.082,67 KM.

S obzirom da sredstva nisu utrošena u skladu sa programom utroška za 2017. godinu, stranka je prekršila odredbe člana 4. stav (1) Zakona o finansiranju političkih stranaka.

⁴ Zakonski rok je bio 01.04.2018. godine.

c) Socijaldemokratska partija Bosne i Hercegovine prekršila je odredbe člana 6. stav (2)⁵ Zakona o finansiranju političkih stranaka.

Pregledom godišnjeg finansijskog izvještaja utvrđeno je da stranka u poslovnim knjigama i godišnjem finansijskom izvještaju nije dio priloga fizičkih i pravnih lica uplatila na transakcijske račune Glavnog odbora stranke, čime je prekršila odredbe člana 6. stav (2) Zakona o finansiranju političkih stranaka.

- Socijaldemokratska partija Bosne i Hercegovine je u godišnjem finansijskom izvještaju iskazala priloge od fizičkih lica u iznosu od 61.231,95 KM. Kontrolom izvoda sa transakcijskih računa Glavnog odbora stranke, utvrđeno je da je stranka ostvarila priloge od fizičkih lica u iznosu od 50.188,00 KM, što je za 11.043,95 KM manje od iskazanog iznosa, koje je stranka trebala da uplati na transakcijske račune Glavnog odbora.

Stranka nije priloge fizičkih lica od OO SDP BiH Gračanica u iznosu od 2.020,00 KM, OO SDP BiH Gradačac u iznosu 896,00 KM, OO SDP BiH Stolac u iznosu od 908,00 KM, OO SDP BiH Tešanj u iznosu od 6.259,95 KM i SDP BiH BD BiH u iznosu od 960,00 KM uplatila na transakcijske račune Glavnog odbora.

- Stranka je u obrascu 3 (izvori finansiranja) godišnjeg finansijskog izvještaja iskazala priloge pravnih lica u iznosu od 3.700,00 KM. Uvidom u pojedinačne obrasce 3-b (prilozi pravnih lica) utvrđeno je da je stranka primila donacije od pravnih lica u iznosu od 6.100,00 KM. Kontrolom izvoda sa transakcijskih računa Glavnog odbora stranke, utvrđeno je stranka primila priloge od pravnih lica u iznosu od 2.600,00 KM, što je za 3.500,00 KM manje od iskazanog iznosa u godišnjem finansijskom izvještaju. Iznos od 3.500,00 KM, stranka je bila u obavezi da uplati na transakcijske račune Glavnog odbora.

d) Pregledom godišnjeg finansijskog izvještaja za 2017. godinu, utvrđeno je da je Socijaldemokratska partija Bosne i Hercegovine prekršila odredbe člana 8. stav (1) i stav (5) Zakona o finansiranju političkih stranaka.

- (1) Socijaldemokratska partija Bosne i Hercegovine je tokom 2017. godine je prekršila odredbe člana 8. stav (1) točka a) i g) Zakona o finansiranju političkih stranaka.

Stranka je u 2017. godini, koristila prostorije Udruženja žena „Ključki biseri“ Ključ bez naknade. Na osnovu prikupljene dokumentacije, utvrđeno je da se Udruženje žena „Ključki biseri“ Ključ finansiralo javnim sredstvima, te je stranka na taj način ostvarila zabranjeni prilog⁶.

- (2) Kod OO SDP BiH Kakanj ostali prihodi iskazani su u iznosu od 2.993,21 KM, koji su nastali po osnovu odluke Općinskog vijeća Kakanj da se izvrši otpis obaveza navedenom organizacionom dijelu stranke u Kakanju⁷. Općinskom odboru SDP BiH Kakanj navedenom odlukom otpisane su neizmirene obaveze prema povjeriocu Zavodu za planiranje i izgradnju Općine Kakanj po osnovu zakupnina, naknada za korištenje gradskog građevinskog zemljišta i komunalne usluge. Otpisane obaveze stranka je trebala iskazati na obrascu 3-e (nenovčane donacije) finansijskog izvještaja⁸.

S obzirom da stranka nije imala obavezu da plati svoje obaveze, ostvarila je prihode u iznosu od 2.993,21 KM, čime je prekršila odredbe člana 8. stav (1) Zakona o finansiranju političkih stranaka.

- (3) Na osnovu prikupljene dokumentacije, utvrđeno je da je Socijaldemokratska partija Bosne i Hercegovine izdavanjem imovine u Gračanici za koju nije dokazala da posjeduje pravo vlasništva u

⁵ Dobrovoljni prilozi u novcu uplaćuju se na transakcijski račun centrale (glavnog odbora) političke partije.

⁶ Projekat: Sport, kultura, edukacija-alternativa nasilju - „Službene novine Federacije BiH“, broj: 56/17 od 26.07.2017. godine.

⁷ Odluka Općinskog vijeća Općine Kakanj o otpisu dospjelih potraživanja - „Službene novine“ Općine Kakanj, broj: 4/16.

⁸ Stranka je u očitovanju na Preliminarni izvještaj o pregledu godišnjeg finansijskog izvještaja za 2017. godinu pojasnila da je nenovčanu donaciju iskazala kao Ostali prihoda u iznosu od 2.993,21 KM.

2017. godini, ostvarila prihod u iznosu od 1.200,00 KM, čime je prekršila odredbe člana 8. stav (5) Zakona o finansiranju političkih stranka.⁹

Stranka je izdavanjem poslovnih prostora u Gračanici, za koji ne posjeduje relevantne dokaze o vlasništvu¹⁰, ostvarila prihode u iznosu od 1.200,00 KM.¹¹

e) Socijaldemokratska partija Bosne i Hercegovine prekršila je odredbe člana 11. stav (1) i člana 12. stav (1) i stav (4) Zakona o finansiranju političkih stranaka.

Pregledom godišnjeg finansijskog izvještaja i prikupljene finansijske dokumentacije, utvrđeno je da Socijaldemokratska partija Bosne i Hercegovine nije u skladu sa računovodstvenim propisima i odredbama Zakona o finansiranju političkih stranaka uspostavila potpune i tačne evidencije o svojim prihodima, rashodima i obavezama, niti je godišnji finansijski izvještaj popunila u skladu sa odredbama Pravilnika o godišnjim finansijskim izvještajima političkih stranaka-u daljem tekstu: Pravilnik, čime su prekršene odredbe člana 11. stav (1) i člana 12. stav (1) i (4) Zakona o finansiranju političkih stranaka.

(1) U finansijskom izvještaju na obrascu 2 (pregled prometa svih transakcijskih računa političke stranke) Socijaldemokratska partija Bosne i Hercegovine nije iskazala tačan promet po transakcijskim računima, čime je prekršila odredbe člana 11. Pravilnika.

1. U godišnjem finansijskom izvještaju stranka nije pravilno iskazala promet ulaza i promet izlaza po transakcijskom računu broj: 3387202238354543 kod UniCredit banke.

U obrascu 2 stranka je iskazala početni saldo u iznosu od 22.526,74 KM, ukupan promet ulaza u iznosu od 138.700,69 KM i ukupan promet izlaza u iznosu od 145.244,31 KM.

Kontrolom izvoda sa transakcijskog računa, utvrđeno je da je početni saldo iznosio 22.526,74 KM, ukupan promet ulaza iznosio je 140.272,17 KM, ukupan promet izlaza 146.815,79 KM i saldo na dan 31.12.2017. godine 15.983,12 KM.

2. Stranka u obrascu 2 godišnjeg finansijskog izvještaja nije pravilno iskazala promet ulaza i promet izlaza po transakcijskom računu broj: 3387202238390142 kod UniCredit banke.

Stranka je iskazala početni saldo u iznosu od 781,32 KM, ukupan promet ulaza u iznosu od 151.746,60 KM i ukupan promet izlaza u iznosu od 151.837,24 KM.

Kontrolom izvoda sa transakcijskog računa, utvrđeno je da je početni saldo iznosio 781,32 KM, ukupan promet ulaza iznosio je 152.096,60 KM, ukupan promet izlaza 152.187,24 KM i saldo na dan 31.12.2017. godine 690,68 KM.

3. U godišnjem finansijskom izvještaju stranka nije pravilno iskazala promet ulaza i promet izlaza po transakcijskom računu broj: 3383202266361165 kod UniCredit banke.

Iskazala je početni saldo u iznosu od 53.420,59 KM, ukupan promet ulaza u iznosu od 2.004.440,05 KM i ukupan promet izlaza u iznosu od 2.029.492,17 KM.

Kontrolom izvoda sa transakcijskog računa, utvrđeno je da je početni saldo iznosio 53.420,59 KM, ukupan promet ulaza iznosio je 2.022.706,87 KM, ukupan promet izlaza 2.047.758,99 KM i saldo na dan 31.12.2017. godine 53.420,59 KM.

4. Stranka u obrascu 2 godišnjeg finansijskog izvještaja nije pravilno iskazala promet ulaza i promet izlaza po transakcijskom računu Glavnog odbora SDP BiH broj: 3387202238391015 kod UniCredit banke.

⁹ U skladu sa odredbom člana 8. stav (5) Zakona o finansiranju političkih partija, političke partije ne mogu ostvarivati prihode od imovine koja nije u njihovom vlasništvu.

¹⁰ SDP BIH Gračanica dostavila je informaciju od Općine Gradačac broj: 06-31-3183/16 od 16.09.2016. godine, kojom obavještava SDP BIH da imovina kojom raspolaže stranka u Gračanici, nije uknjižena u katastarske i gruntovne knjige, i da je u toku proces rješavanja uknjiženja putem projekta registracije nekretnina.

¹¹ Poslovni prostor je iznajmljen pravnom licu dd „Jedinstvo“ Gračanica.

U obrascu 2 stranka je iskazala početni saldo transakcijskog računa u iznosu od 50.429,17 KM, ukupan promet ulaza u iznosu od -39.196,30 KM i ukupan promet izlaza u iznosu od 1.289,68 KM.

Kontrolom izvoda sa transakcijskog računa, utvrđeno je da je početni saldo iznosio 50.429,17 KM, ukupan promet ulaza iznosio je 1.527.207,76 KM, ukupan promet izlaza 1.567.693,74 KM i saldo na dan 31.12.2017. godine 9.943,19 KM.

(2) Politička stranka u obrascima 3. (izvori finansiranja), 3-b (prilozi pravnih lica) i 3-c (prihodi od imovine) finansijskog izvještaja iskazala je pogrešne podatke o priložima i ostalim prihodima u 2017. godini, čime je prekršila odredbe člana 13, 15. i 18. Pravilnika.

- U obrascima 3 i 3-b Socijaldemokratska partija Bosne i Hercegovine nije adekvatno iskazala priloge od pravnih lica, čime je prekršila odredbe člana 13. i 15. Pravilnika.

Na obrascu 3 stranka je iskazala donacije primljene od pravnih lica u iznosu od 3.700,00 KM. Uvidom u pojedinačne obrasce 3-b (prilozi od pravnih lica) utvrđeno je da su oni ostvareni u iznosu od 6.100,00 KM. Stranka je pravnim licima vratila priloge iz prethodne godine, koji su bili zabranjeni, u ukupnom iznosu od 2.400,00 KM, pa je za navedeni iznos umanjila ukupne priloge od pravnih lica, odnosno ukupne prihode stranke je manje iskazala za 2400,00 KM¹².

- Pregledom godišnjeg finansijskog izvještaja, utvrđeno je da je stranka otpisane obaveze u iznosu od 2.993,21 KM iskazala kao ostale prihode, umjesto kao nenovčane donacije, čime je prekršila odredbe člana 13. i 18. Pravilnika

- Na obrascu 3 (izvori finansiranja) godišnjeg finansijskog izvještaja stranka je iskazala ostale prihode u iznosu od 11.637,18 KM, a na Prilogu uz obrazac 3 iskazani su organizacioni dijelovi stranke koji su ostvarili ostale prihode, i to: Glavni odbor SDP BiH Sarajevo u iznosu od 251,9 KM, OO SDP BiH Goražde u iznosu od 175,49 KM, OO SDP BiH Kakanj u iznosu od 2.993,21 KM, OO SDP BiH Centar Sarajevo u iznosu od 926,70 KM, Kantonalni odbor SDP BiH Sarajevo u iznosu od 7.246,42 KM i OO SDP BiH Bratunac u iznosu od 43,46 KM.

Kontrolom analitičkih evidencije iz poslovnih knjiga Glavnog odbora stranke, analitičkih evidencija drugih organizacionih dijelova, odluka nadležnih organa i druge dokumentacije utvrđena je struktura i osnov sticanja navedenih prihoda.

1. Za Glavni odbor SDP BiH Sarajevo evidentirani su u poslovnim knjigama i iskazani u izvještaju, ostali prihodi koji se odnose na umanjenje plate radnici stranke po osnovu izrečene sankcije u iznosu od 251,90 KM.

Stranka je umanjenje plate evidentirala u poslovnim knjigama kao prihod koji to nije jer se odnosi na smanjenje troškova plate kao i obaveza, odnosno nije moglo biti evidentirano kao prihod i kao takvo iskazano u godišnjem finansijskom izvještaju.

2. Za OO SDP BiH Goražde iskazan je ostali prihod u iznosu od 175,49 KM, a odnosi se na naplatu štete od Osiguravajuće kuće, koji nije prihod OO SDP Goražde.

3. Za OO SDP BiH Bratunac ostali prihod iskazan je u finansijskom izvještaju u iznosu od 43,46 KM. Kontrolom je utvrđeno da se radi o prenosu sredstava sa ugašenog transakcionog računa na drugi transakcioni račun, koji takođe nije prihod ovog organizacionog dijela.

4. Ostali prihodi iskazani za OO SDP BiH Centar Sarajevo u iznosu od 926,70 KM i KO SDP BiH Sarajevo u iznosu od 7.246,42 KM, odnose se na prefakturisane režijske troškove (gasa, telefona i sl.), koji čine interne odnose unutar organizacionih dijelova stranke i ne predstavljaju nikakve prihode stranke, što je u suprotnosti sa članom 11. stav (1) i članom 12. stav (1) i (4) Zakona i odredbama člana 13. stav (5) Pravilnika.

¹² Zabranjeni prilozi vraćeni su: „Plastex“ d.o.o Gračanica u iznosu od 2.000,00 KM, „Termovent“ d.o.o Živinice u iznosu od 300,00 KM i „Netz-elektrik“ d.o.o Gradačac u iznosu od 100,00 KM.

Na osnovu navedenog, utvrđeno je da je stranka ostale prihode iskazala u većem iznosu od ostvarenih za 8.643,97 KM.

- (3) U obrascima 3 (izvori finansiranja) i 3-f (prihodi iz budžeta) godišnjeg finansijskog izvještaja stranka nije adekvatno iskazala prihode iz budžeta, čime je prekršila odredbe člana 13. i 19. Pravilnika.

Na osnovu akta Grada Sarajevo, broj: 06-14-5553/18 od 25.10.2018. godine utvrđeno je da je stranka iskazala prihod iz budžeta Grada Sarajevo u većem iznosu za 549,47 KM. Naime, stranka je u obrascu 3-f iskazala prihod iz budžeta Grada Sarajevo u iznosu od 16.270,00 KM, dok je Grad Sarajevo dostavio podatak da je stranci u 2017. godini uplaćeno 15.720,53 KM.

- (4) Pregledom godišnjeg finansijskog izvještaja, poslovnih knjiga i dodatne dokumentacije utvrđeno je da Socijaldemokratska partija Bosne i Hercegovine nije uspostavila potpune i tačne evidencije o rashodima stranke, te ih nije pravilno iskazala u godišnjem finansijskom izvještaju, čime je prekršila odredbe člana 22. Pravilnika.

- Pregledom ugovora o zakupu poslovnih prostora i analitičkih kartica, utvrđeno je da troškovi zakupa poslovnih prostora koje su koristili OO SDP BiH Doboj Istok i OO SDP BiH Bugojno iskazani u iznosu plaćenih obaveza što za rezultat ima pogrešno iskazane troškove.

Stranka je u obrascima 4.1 Glavnog odbora i OO SDP BiH Doboj Istok iskazala troškove zakupa dva (2) poslovna prostora koja je koristio OO SDP BiH Doboj Istok u iznosima od 1.200,00 KM i 800,00 KM¹³, odnosno ukupno od 2.000,00 KM. Prema podacima iz ugovora o zakupu, zakupnina za korištenje jednog poslovnog prostora 2017. godinu iznosila je 1.800,00 KM. Stranka je u svom očitovanju navela da je koristila i drugi poslovni prostor za koji je plaćala zakupninu u iznosu od 100,00 KM mjesečno.

Stranka je troškove zakupa poslovnog prostora koji je koristio OO SDP BiH Bugojno evidentirala i iskazala u manjem iznosu za 450,00 KM. Stranka je u obrascima 4.1 Glavnog odbora i OO SDP BiH Bugojno iskazala troškove zakupa u iznosima od 1.300,00 KM i 150,00 KM, odnosno ukupno od 1.450,00 KM. Prema podacima iz ugovora o zakupu, zakupnina za korištenje poslovnog prostora 2017. godinu iznosila je 1.900,00 KM.

- Služba za reviziju je utvrdila da je stranka troškove zakupa poslovnih prostora u poslovnim knjigama evidentirala na kontu 40120 Glavnog odbora i vršila plaćanja sa računa Fonda solidarnosti za određeni broj organizacionih dijelova, te da je troškove zakupa za dole navedene organizacione dijelove iskazala zbirno na obrascu 4.1 za Glavni odbor stranke, što je suprotno odredbama člana 22. Pravilnika.

Stranka za 12 općinskih odbora stranka nije iskazala troškove zakupa po organizacionim dijelovima stranke na obrascu 4.1 (režijsko-administrativni i ostali troškovi), i to za: OO SDP BiH Novi Grad u iznosu od 2.880,00 KM, OO SDP BiH Čapljina u iznosu od 2.400,00 KM, OO SDP BiH Novi Travnik u iznosu od 1.800,00 KM, OO SDP BiH Kotor Varoš u iznosu od 1.200,00 KM, OO SDP BiH Bosanski Petrovac u iznosu od 1.200,00 KM, OO SSDP BiH Doboj Jug u iznosu od 1.560,00 KM, OO SDP BiH Grude u iznosu od 2.400,00 KM, OO SDP BiH Teočak u iznosu od 1.800,00 KM, OO SDP BiH Prnjavor u iznosu od 1.800,00 KM, OO SDP BiH Stolac 1.800,00 KM, OO SDP BiH Sapna u iznosu od 1.800,00 KM i OO SDP BiH Banja Luka u iznosu od 1.989,00 KM.

- (5) Stranka u obrascu 5 (obaveze političke partije) finansijskog izvještaja nije adekvatno iskazala svoje obaveze, čime je prekršila odredbe člana 24. Pravilnika.

Pregledom poslovnih knjiga - analitičkih evidencija Glavnog odbora SDP BiH utvrđeno je da je stranka evidentirala obaveze u iznosu od 579.773,99 KM. Pregledom godišnjeg finansijskog izvještaja, utvrđeno je da je stranka u obrascu 5 (obaveze stranke) iskazala obaveze u iznosu od

¹³ Na analitičkoj kartici 40120-Zakupnina za uredski prostor evidentirani troškovi za novembar i decembar mjesec 2016. godine, te period januar-juni 2017. godine.

612.969,57 KM, odnosno iskazane su veće obaveze Glavnog odbora SDP BiH u iznosu od 33.195,58 KM, čime je prekršila odredbe člana 24. Pravilnika.

U godišnjem finansijskom izvještaju stranka je iskazala svoje obaveze prema dobavljaču „Velpro“ d.o.o. Sarajevo u iznosu od 65.855,42 KM, dok su izvodom otvorenih stavki utvrđene obaveze stranke u iznosu od 66.355,38 KM, što je za 499,96 KM više u odnosu na iskazani iznos.

Troškovi izborne kampanje na prijevremenim izborima za načelnika Općine Glamoč.

Tokom 2017. godine Socijaldemokratska partija Bosne i Hercegovine je učestvovala na prijevremenim izborima za načelnika Općine Glamoč koji su održani 17.12.2017. godine.

Prema odredbama člana 15.10 Izbornog zakona Bosne i Hercegovine politička stranka za potrebe izborne kampanje ne smije potrošiti više od 0,30 odnosno 0,20 KM¹⁴ po biraču u svakom izbornom krugu, prema broju birača koje je objavila Centralna izborna komisija BiH. Socijaldemokratska partija Bosne i Hercegovine je u svrhu izborne kampanje, a prema podacima Centralne izborne komisije BiH, mogla da potroši sredstva u iznosu od 1.323,60 KM.

U godišnjem finansijskom izvještaju koji je podnijela Centralnoj izbornoj komisiji BiH, stranka je iskazala troškove izborne kampanje za prijevremene izbore za načelnika u Općini Glamoč u iznosu od 45,60 KM.

5.2. PREPORUKE

Preporučuje se Socijaldemokratskoj partiji Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:

- *da vodi računa o propisanim limitima za prihode od imovine i da postupa u skladu sa odredbama zakona,*
- *da finansijska sredstva obezbijedena za finansiranje stranke koristi u skladu sa utvrđenim programom utroška sredstava i statutom,*
- *da vodi evidenciju o prijemu članarina i dobrovoljnih priloga i da ih uplaćuje neposredno na transakcijski račun Glavnog odbora stranke najkasnije u roku od 10 dana od prijema uplate,*
- *da se ne finansira iz izvora, koji su zabranjeni političkim strankama,*
- *da poslovne knjige vodi u skladu sa računovodstvenim propisima, odnosno da uspostavi tačne evidencije o prihodima, rashodima i obavezama stranke,*
- *da poslovne knjige vodi u skladu sa Zakonom o računovodstvu i reviziji Federacije BiH i*
- *da finansijske izvještaje koje podnosi Centralnoj izbornoj komisiji BiH popunjava u skladu sa Pravilnikom o godišnjim finansijskim izvještajima političkih stranaka.*

KOMENTAR:

Socijaldemokratska partija Bosne i Hercegovine se u ostavljenom roku očitovala na Preliminarni izvještaj o pregledu godišnjeg finansijskog izvještaja za 2017. godinu.

Uz očitovanje stranka je dostavila dokaze o vraćanju zabranjenih priloga pravnim licima: „Bijelić gradnja“ d.o.o. Brčko Distrikt BiH u iznosu od 500,00 KM i „Klas“ d.o.o. Srebrenik u iznosu od 200,00 KM.

¹⁴ Član 15.10 stav (2) propisuje da se maksimalno dozvoljeni iznos za finansiranje izborne kampanje izračunava tako što se broj glasača u svim izbornim jedinicama u kojima politički subjekt ima kandidatsku listu ili kandidata pomnoži sa: 30 feninga načelnika opštine odnosno gradonačelnika i za članove skupštine opštine, članove Narodne skupštine RS i predstavničkog doma Parlamenta Federacije BiH, članove Parlamentarne skupštine BiH, člana Predsjedništva BiH, predsjednika i potpredsjednika RS, odnosno 20 feninga za izbore za članove kantonalnih skupština.

S obzirom da je stranka u očitovanju navela da je u nenovčanu donaciju po osnovu otpisa obaveze prema Zavodu za planiranje i izgradnju Općine Kakanj iskazala kao ostali prihod u Prilogu uz obrazac 3, Služba za reviziju je uvažila primjedbu na nalaz u kojem je navedeno da je stranka prekršila odredbu člana 5. stav (4) Zakona o finansiranju političkih stranaka. Imajući u vidu činjenicu da je stranka ostvarila nenovčanu donaciju po osnovu otpisa obaveze prema Zavodu za planiranje i izgradnju Općine Kakanj, u Konačnom izvještaju o pregledu godišnjeg finansijskog izvještaja za 2017. godinu ugrađen je nalaz da je stranka prekršila odredbe člana 8. stav (1) Zakona o finansiranju političkih stranaka.

Služba za reviziju je uvažila argumentovane primjedbe i korigovala nalaze navedene u Preliminarnom izvještaju.

Revizor

Nevenko Andan

Pomoćnik revizora

Mr.sc. Goran Cicović

Šef Službe za reviziju

Mr.sc. Hasida Gušić